



Kamis, 22 Juli 2021

Ogen: Efesus 1:18



Nerangi Pengangkan



Pendidikan erbahanca kalak jadi pentar. Tapi kelemahan system pendidikan si gundari lebih menekankan nilai bas sekolah asangkan moral si erlajar e. Pengangkanna si tambah la radu ras kebeluhenna ncibalken pemete ras dirina jadi pasu-pasu man jelma si enterem.

Ise dage contohna? Teroris, rata-rata kalak si beluh entah pe kalak si erpemeteh, tapi ban pusuhna ikuasai ambisi, kebencian ras ate segat, pemete hna e ipakena guna erbahanc kerusuhen, mpeturah kebiaren ras erbahanca ceda. Emaka bahaya tuhu kalak si erpemeteh tapi pusuhna gelap. Bagepe pernah lit sada kasus si menghebohken piga-piga tahun si lewat, janah seh asa gundari lenga lalap terang kerna kai si jadi. Eme kasus kopi sianida. Beluh kal pembunuh e ngaturken racun ras ngaturken situasi seh maka amin pe nggo mbue si meriksasa, lalap la datsa ise munuhsa, uga carana ras kai tujunna.

Erkitekken bahaya pemete hna si la iraduken pusuh si iterangi Tuhan, maka rasul Paulus notoken perpulungen gelah Kesah Si Badia bengket ku bas pusuh tep-tep jelma. Alu kerehen Kesah Si Badia bas geluhta perukurenta itegu kempak si mehuli. TandaNa Kesah Si Badia e lit i bas kita, pemete hna, kinibeluhen, talenta si lit i bas kita lalap ateta si-elaken kempak kalak si deban, nguntungken man kalak ras erbahanc situasi geluh si reh ulina. Sabap Kesah Si Badia i bas pusuh sekalak jelma dahina nerangi pengangkan, seh maka sitandai apai si benar, si erguna ras si mehuli man pujin.

Manusia tinepa Dibata si ikuhi alu ukur ras pusuh. Ukurta dem alu pemete hna, pusuh ta dem alu sura-sura. Kesah si Badia mahanca pemetehta si mehuli reh dekahna reh belinna, pusuh ta jadi baleng-balengna.